



Randi Vestergaard Evaldsen
Inatsisartuni Ilaasortaq Demokraatit
/Maani

Akissut § 37 naapertorlugu apeqqummut nr. 2017-028 mittarfiit pillugit

Brevdato: 27-01-2017

Asasara Randi,

Sags nr. 2017 - 1260
Dok. nr. 16627168

Siullermik Inatsisartut Suleriaasianni § 37 naapertorlugu apeqqutinik nassiussisimagavit qutsavigaakkat.

Postboks 909
3900 Nuuk

Aallarniutigalugu apeqqutigisavit tunngavilersuutaat oqaaseqarfigilaarusuppara, taavalu ataasiakkaarlugit akisarumaarlugit.

Tlf.: (+299) 34 50 00
E-mail: box909@nanoq.gl
www.naalakkersuisut.gl

Mittarfiliorerup ingerlanera immikkoortoqarpoq angeqatigiinnik, pilersaarusiorneq, iluarsartuussilluni pilersaarusiorneq taavalu sanaartorneq. Mittarfiit aningaasalersornissaannut pilersaarutit pillugit pissutsit sukumiinerusut aalajangersassagaanni akii ilisimaneqartariaqarpoq. Sanaartornissanut pilersaarutit tunngavigalugit missiliummik naatsorsukkat-c piginnaatinneqareersut anguneqassapput maannakkullu suliarineqaleruttorlutik, 2017-imilu ukiup sisamararterutaani siullermi Nuummumut, Ilulissanut aamma Qaqortumut tunngasut naammassineqassanganneqarlutik. Sanaartornissanut pilersaarutit taakku pilersaarusiornerup sumut killiffia tunngavigalugu suliarineqassapput.

Tamakku tunngavigalugit Kalaallit Airportsip paasissutissat tunngavigalugit aningaasalersuineq eqqortoq ugartorsinnaalissavaa.

Taamaammat tupaallappunga apeqqutit tunngavilersuutaanni pilersaarusiorluni annertuumik suliaqarsimaneq aamma 2016 naallugu mittarfiliorfissani misissueqqaarnerit ingerlanneqarsimasut amerlasuut Kalaallit Airportillu aningaasaliisussarsiornissaanut toqqammaviusussat pisariaqartut sillimaffigineqarsimangimmata.

Taamaalliluni mittarfissat nutaat suliaqarfiginerat ingerlalluataavippoq, soorlu Naalakkersuisut Siulittaasuut ukiortaami oqalugiaammini taama ilisimatitsisoq.

Apeqqut 1.

Ilulissani, Nuummi, Qaqortumi, Tasiilami Ittoqqortoormiinilu mittarfiliassat pilersaarutigineqartut aningaasalersornissaannut suliaq sumut killippa aamma mittarfiit ataasiakkaat qanoq aningaasalersorneqarnissaat Naalakkersuisut naatsorsuutigaat?

Apeqqut 1-ip akinissaanut Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq Aningaasaqarnermut Akileraartarnermullu Naalakkersuisumit akissutissamik piniarsimavoq .

Akissut:

Inatsisartut 2015-ip ukiaanerani mittarfeqarnikkut suliniutinik arlalinnik aallartitsiniarlutik aalajangermassuk Naalackersuisut mittarfissat nutaat piviusunngortinnissaannut suliaq nangissimavaat.

Naalackersuisut suliniutaanni Kalaallit Airports A/S-ip 2016-ip qiteqqunnerani pilersinneqarnera qitiuvoq. Selskabi Inatsisartut Inatsisartut Aningaasaqarnermut aamma Akileraartarnermut Ataatsimiititaata oqaasertaliussaasa ilaat akuerisaq tunngavigalugu pilersinneqarpoq (Aningaasaqarnermut Ataatsimiititap suliaa nr. 01.31.06/16-00713).

Selskabip siunertarivaa Ilulissani, Nuummi aamma Qaqortumi mittarfittaassat pilersaarusiornissaat isumagissallugu. Tamatuma saniatigut selskabip mittarfittaassat qanoq aningaasaliiffiqarnissaat immikkut misissussavaat.

Oqaasertaliussa q taaneqartoq tunngavigalugu Naalackersuisut selskabimut 200 mio. kr.-nik aningaasaliissuteqarpoq. Aamma oqaasertaliussa taanna tunngavigalugu Naalackersuisut december 2016-imi selskabi 95 mio. kr. inulaarlugit akisussaaffittalimmik atukkerpai. 2017-imut aningaasanut inatsimmi 2017-imi angeqataani atukkiisinnaaneq tunngavissaqartinneqarpoq isertitat immikkut ittut taamaaliornissamut tunngavissaqartitsippata.

Selskabi mittarfissat qulaani taaneqartut Ilulissani, Nuummi aamma Qaqortumi sanaartornissaasa saniatigut mittarfissanik allanik isumagisaqanngilaq. Mittarfissanik ilaatigut Ittoqqortoormiini Tasiilamilu sanaartornissaq taavalu sumiiffinni naatsunik mittarfiliornissaq pillugu pilersaarusiorneq Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisoqarfimmit isumagineqarpoq.

Kalaallit Airports A/S aamma Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisoqarfik maannakkorpiq suliaqarfinnut taakkununga marlunnut attuumassuteqartut mittarfiit pilersaarusiornerat ingerlappaat. Taamaammatt erseqqissassallugu pingaarpoq aningaasaliisnaasunik isumaqatigiissusiussagaanni taava sanaartugassatut suliniutit ataasiakkaat siumut pilersaarusiornerat aamma iluarsartuullugit pilersaarusiornerat soorunami pisariaqassamat. Pilersaarusiornermut ilaapput misissueqqaarnerit aamma sanaartornissaq sioqqullugu suliat piareersaataasut. Pilersaarusiornermut ilaatigut ilaapput sanaartornissamut pilersaarutit, sanaartornissamik suliniut sukumiikannersumik nassuiarlugu unammilligassallu ilisimaneqareersut naatsorsuutigineqartulluunniit nalunaajarlugit aningaasaliisup sillimaffiginngitsoorsinnaasaatatut takorloorneqarsinnaasut, unammilligassat taamaattut nassuiarneqareersimangippata.

2017-ip upernariartornerani sanaartornissamut pilersaarutit saqqummiunneqassangatinneqarput.

Apequt 2.

Naalackersuisut isumaqarnerlutik piviusorsioertuusoq, atlantiku qulaallugu timmisartunut mittarfiup Kangerlussuarmit tup ullumimut naleqqiullugu allannguuteqarani ingerlaannarnissaa, soorlu Ilulissani aamma/imaluunniit Nuummi atlantiku qulaallugu timmisartunut mittarfiliortoqassagaluarpat?

Akissut:

Naalackersuisut periarfissat arlaqartut atorlugit oqaatigisarsimavaat Kangerlussuarmi mittarfik ataannassasoq. Taamaattorli ingerlannera atorneranut naleqqussassaaq, tassanilu mittarfeqarnikkut attaveqaatigiinneq nutaaq annertuumik apeqqutaassaaq. Nuummi Ilulissanilu Atlantikoq qulaallugu mittarfeqalernikkut taavalu Qaqortumi Tasiilamilu Atlantikup avannaani nutaanik mittarfeqalernikkut angallannikkut pissuseqarnerup allangornissaa qularisassaangilaq. Aningaasaqarnermut Akileraartarnermullu Naalackersuisoqarfiup aamma ataani Kommuninut, Nunaqarfinnut, Isorliunerusunut, Attaveqaatigiinnermut Ineqarnermullu Naalackersuisoqarfiup ataani maanna suliaq aallartinneqarsimavoq mittarfiit nutaat taakku inuiaqatigiit aningaasaqarniarnerannut sunniuterpiaannik samminnittumik, mittarfinnut ataasiakkaanut allanut naleqqiullugit timmisartumillu angallannikkut aqqissuussineq tamarmiisoq ataatsimut isigalugu. Kangerlussuup siunissaa tulluurtumik sammineqassaaq piginnaaneqartumilli tunngaveqarluni pissaaq.

Apeqqu 3.

Naalackersuisut piviusorsiorlutut isiginerlugu, atlantiku qulaallugu timmisartunut mittarfiup Narsarsuarmiittup ullumimut naleqqiullugu allannguuteqarani ingerlaannarnissaa, Qaqortumi nunap immikkoortuanut mittarfiliortoqassagaluarpat?

Akissut:

Narsarsuaq pillugu isumaliutigineqartut Kangerlussuaq pillugu isumaliutigineqartut assigaat. Apeqqu 3-mut akissut takuuk.

Apeqqu 4.

Naalackersuisuts sunik pilersaaruteqarpat Kangerlussuarmi Narsarsuarmilu timmisartunut suluusalinnut maannakkut mittarfiusut eqqarsaatigalugit?

Akissut:

Apeqqu 3 aamma 4 takukkit. 2015-imi ukiakkut ataatsimiinnermi immikkoortup 18-ip suliarinerani siunnersuutigineqarpoq 2017-imi Kangerlussuup siunissaa aalajangerneqassasoq. Taamaammat maannakkorpiaq piginnaaneqartumik ilisimasaniq tunngavissiorneq pillugu suliaq ingerlanneqarpoq, taannalu tunngavigaluguttaaq Kangerlussuarmi Narsarsuarmilu mittarfiit siunissaat pillugit kommuninik ataatsimoorussamik paaseqatigiiffiusussaaq angutserneqarsinnaalluni.

Inussiarnersumik inuulluaqqusillunga

Martha Lund Olsen